

Broj: 04 – 356/24  
Sarajevo, 19.11.2024.godine

Na osnovu člana 152. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine", broj: 39/03,22/06 i 43/10), a u vezi sa čl. 12. i 14. Pravilnika o organizovanju i funkcionisanju operativnih centara civilne zaštite ("Službene novine Federacije Bosne i Hercegovine", broj: 09/19), dostavljamo Vam:

**Vanrednu informaciju o stanju prirodnih i drugih nesreća na području Federacije BiH, za dan 19.11.2024. godine, do 14:30 sati.-**

## FEDERALNI HIDROMETEOROLOŠKI ZAVOD

**Meteoalarm:** Federalni hidrometeorološki zavod izdao je za sutra, 20.11.2024.godine **NARANDŽASTO** upozorenje na jake do olujne udare vjetra i lokalno jače padavine. Vjetar se očekuje u većem dijelu Bosne, a padavine na sjeveru i istoku Hercegovine i Krajini. Udari vjetra između 60 i 80 km/h. U jutarnjim satima u Krajini i do 90 km/h. Poslije podne vjetra u postepenom slabljenju. Jače padavine na sjeveru i istoku Hercegovine i u Krajini. Očekivana količina padavina između 30 i 50, lokalno do 70 l/m<sup>2</sup>.

### Obavijest o mogućim bujicama i klizištima

Sektor hidrologije, Odsjek za prognozu i bilans voda Federalnog hidrometeorološkog zavoda, na osnovu dostupnih meteoroloških, hidroloških prognoza i raspoloživih platformi uključujući EFAS dostavio je Obavijest o mogućim velikim vodama na području Federacije Bosne i Hercegovine:

Usljed obilnih padavina, lokalno vrlo jakog intenziteta, koje se očekuju u narednim danima na području sliva Jadranskog mora, a naročito na području sjeverne i zapadne Hercegovine, moguće je lokalno izlivanje vodotoka iz korita i pojava bujica.

Očekivani početak događaja: 20.11.2024. godine

Očekivani vrh vodnog vala: 20.-22.11. 2024. godine

**Napomena:** Za vodotoke koji su pod vještačkim utjecajima nije moguće dati pouzdanu prognozu.

## AGENCIJA ZA VODNO PODRUČJE JADRANSKOG MORA

### Obavijest o prognozi izvanrednog hidrološkog stanja:

Usljed prognoziranih obilnijih, lokalno jačih, padavina (očekivana količina padavina između 30 i 50, lokalno do 70 l/m<sup>2</sup>), koje se očekuju dana 20.11.2024. godine, na većini hidroloških stanica na vodnom području Jadranskog mora prognozira se porast vodostaja, posebno na djelu poplavnog područja TMT (Tihaljina-Mlade-Trebižat), te srednje i donje Neretve sa pritokama.

Obavijest o prognozi mogućih povećanja vodostaja, te pojavi mogućih bujičnih tokova obuhvaća općine i gradove: Konjic, Jablanica, Mostar, Čapljina, Grude, Ljubuški i Široki Brijeg.

Sve aktivnosti na praćenju i obavještavanju o trenutnom hidrološkom stanju na vodnom području se provode u skladu sa Federalnim operativnim planom odbrane od poplava.

**Preporuke:**

Sugeriše se nadležnim institucijama da prate situaciju i postupaju u skladu sa ovlaštenjima, pridržavajući se Federalnog operativnog plana odbrane od poplava, a službama koje provode mjere zaštite i spašavanja ljudi i materijalnih dobara preporučje se dodatni oprez. Nadležne službe civilne zaštite trebaju upozoriti stanovništvo na područjima uz rijeke koje nemaju izgrađene zaštitne vodne objekte na opasnost prilaska obalama usljed mogućih povećanja dubina i brzine toka vode u rijekama, te pravovremeno dati obavijest sa uputama i smjernicama za ponašanje kako bi stanovništvo bilo u mogućnosti provesti mjere u cilju smanjenja eventualnih šteta od štetnog djelovanja voda.

**Napomena:** Obavijest se izdaje na osnovu prognoziranih podataka padavina, te eventualne promjene vremenske prognoze mogu uticati i na prognozirano hidrološko stanje.

Dežurni operativac: A.K.

**Dostavljeno:**

- Premijeru Vlade Federacije BiH,
- Komadantu i članovima FŠCZ-e,
- Direktorcu FUCZ-e,
- Pom. direktora za planiranje, mjere zaštite i spašavanja i vatrogastvo,
- Operativno-komunikacijski centar BiH -112,
- Republički operativno-komunikacijski centar RS -121,
- Odjeljenje javne sigurnosti Brčko distrikt BiH,
- a/a.

**FEDERALNI OPERATIVNI CENTAR**